



ՊԱՏԻՎ ՈՒՆԵՄ



ՀԻՄՆԱԿՈՐ ԳԻՏԵԼԻՔՈՎ ԴԵՂԻ ԱՐԺԱՆԱԴԱՏԻՎ ԾԱՌԱՅՈՒԹՅՈՒՆ

Թիվ 8(78), 28 ՀՈԿՏԵՄԲԵՐ, 2025թ.

ՀՀ ՆԳՆ ԿՐԹԱՅԱՄԱԼԻՐԻ ՊԱՇՏՈՆԱԹԵՐԹ



ՀԱՆԴԻՊՈՒՄ ՀԱՄԱԳՈՐԾԱԿՑՈՒԹՅԱՆ ԱՄՐԱՊԵՐՄԱՆ ԵՎ ԸՆԴԱՅՆՄԱՆ ՀԱՄԱՏԵՔՍՈՒՄ

ՀՀ ներքին գործերի նախարարության կրթահամալիրի և Հայաստանյան խաղաղության նախաձեռնության (API) միջև ձևավորված արդյունավետ համագործակցության ամրապնդման և ընդլայնման համատեքստում սույն թվականի հոկտեմբերի 23-ին Կրթահամալիրի ռեկտոր Մանուկ Մուրադյանը ընդունեց Հայաստանյան խաղաղության նախաձեռնության առաջին բուժօգնության ուսուցման ծրագրի ղեկավար պարոն Պատրիկ Ապրիլին:

Պ.Ապրիլը նշեց, որ ներկայումս Հայաստանյան խաղաղության նախաձեռնությունն առաջին բուժօգնության ուսուցման ծրագրի շրջանակներում իրականացնում է դասընթացներ Գեղարքունիքի մարզի Վարդենիս քաղաքում և հարակից սահմանամերձ համայնքներում՝ ընդգրկելով համայնքային աշխատողների և կամավորների: Նրա խոսքով՝ նման ուսուցողական ծրագրերը կարևոր են հատկապես սահմանամերձ համայնքներում բնակչության անվտանգության մակարդակը բարձրացնելու, արտակարգ իրավիճակներում արագ արձագանքման կարողությունները զարգացնելու և համայնքային դիմադրողականությունն ամրապնդելու տեսանկյունից: Նա համոզված է, որ Կրթահամալիրի հետ համագործակցության ամրապնդումը հնարավորություն կտա այդ ծրագիրը դարձնել համակարգված, կայուն և արդյունավետ:

Ռեկտոր Ս. Մուրադյանը նշեց, որ Կրթահամալիրը մշտապես կարևորում է տեղական և միջազգային գործընկերների հետ համագործակցությունը հատկապես այն ուղղություններով, որոնք միավորված են հանրային անվտանգության ապահովմանը, արտակարգ իրավիճակներում բնակչության պատրաստվածությանը և գիտելիքների զարգացմանը: Նա ընդգծեց, որ Կրթահամալիրը պատրաստ է ոչ միայն շարունակել արդեն ձևավորված արդյունավետ համագործակցությունն առաջին բուժօգնության դասընթացների շրջանակում, այլև ընդլայնել փոխգործակցությունը Հայաստանյան խաղաղության նախաձեռնության կողմից իրականացվող այլ կրթական, հումանիտար և հանրային իրազեկման ծրագրերի ուղղությամբ:

Կողմերը քննարկեցին նաև մասկի-նում արդեն կնքված համագործակցության հուշագրի դրույթների վերանայման և ընդլայնման հնարավորությունները: Հանդիպումն ավարտվեց փոխադարձ պատրաստակամության և գործընկերային հարաբերությունների հետագա խորացման մասին շեշտադրումներով:

Հանդիպումն ավարտվեց փոխադարձ պատրաստակամության և գործընկերային հարաբերությունների հետագա խորացման մասին շեշտադրումներով:

ԹԻՎ 181 ՀԻՄՆԱԿԱՆ ԴՊՐՈՅԻ ԱՇԱԿԵՐՏՆԵՐԸ ԿՐԹԱՀԱՄԱԼԻՐՈՒՄ

Հոկտեմբերի 29-ին ՀՀ ՆԳՆ կրթահամալիր էին այցելել Երևանի թիվ 181 հիմնական դպրոցի 9-րդ դասարանի աշակերտները՝ ուսուցիչ Ա.Սմիչյանի ուղեկցությամբ:

Աշակերտները շրջել են Կրթահամալիրի տարածքում, որի ընթացքում Կրթահամալիրի ուստիկանության պատմության թանգարանի առաջատար մասնագետ Դ.Հովսեփյանը և Կրթահամալիրի, և՛ Ոստիկանության անցած ուղու պատմական անդրադարձ է կատարել: Մասնավորապես, Դ.Հովսեփյանը հյուրե-

րին ներկայացրել է Արամ Մանուկյանից մինչև մեր օրերը Հայաստանի Հանրապետության ոստիկանության պետերի, ՆԳ նախարարների դիմանկարները, ապա ուղեկցել Հայրենական մեծ պատերազմի մասնակից, Սովետական միության հերոսներ ՆԳ աշխատակիցներին նվիրված հուշապատի և ծառայողական պարտականությունների կատարման ժամանակ ու Արցախյան հերոսամարտում զոհված ՆԳ աշխատողների հուշակոթողի մոտ:

► 2

ԱՇԽԱՏԱԺՈՂՈՎ Ի ԿԱՏԱՐՈՒՄՆ «ՀՀ ՆԳՆ ՈՍՏԻԿԱՆՈՒԹՅԱՆ ԾԱՌԱՅՈՂՆԵՐԻ ՏԱՐԵԿԱՆ ՎԵՐԱԴԱՏՐԱՍՏՈՒՄՆԵՐԻ ՊԼԱՆԻ ՄՇԱԿՄԱՆ ՄԵԹՈԴԱԲԱՆՈՒԹՅՈՒՆԸ ՀԱՍՏԱՏԵԼՈՒ ՄԱՍԻՆ»

ՀՀ ՆԵՐՔԻՆ ԳՈՐԾԵՐԻ ՆԱԽԱՐԱՐԻ
25.09.2025թ. ԹԻՎ 67-Լ ՀՐԱՄԱՆԻ



Ի կատարումն «Ոստիկանության բարեփոխումների իրականացման ռազմավարությունից բխող գործողությունների 2024-2026 թթ. ծրագրի» 3-րդ՝ «Կրթական միջավայրի բարելավում, ոստիկանության կադրային պատրաստում, մասնագիտական զարգացում» ուղղության, «Ոստիկանության ղեկավար կազմի (այդ թվում՝ Ոստիկանապետի և Ոստիկանապետի տեղակալների) և ծառայողների վերապատրաստումների իրականացում» գործողության՝ ՀՀ ներքին գործերի նախարարի 25.09.2025թ. թիվ 67-Լ հրամանով հաստատվել է ՀՀ ՆԳՆ ոստիկանության ծառայողների տարեկան վերապատրաստումների պլանի մշակման մեթոդաբանության ներդրումն ու գործնական կիրառումը՝ խորագրով, որին հրավիրվել էին նաև ներկայացուցիչներ ՆԳՆ մարդկային ռեսուրսների կառավարման վարչությունից, Ոստիկանության հենասյունային չորս ուղղություններից:

Քննարկվեցին «Պրոբլեմային ուսուցման մեթոդաբանությունը ոստիկանության ծառայողների վերապատրաստման գործընթացում. տեսություն և գործնական կիրառություն», «Հոգեբա-

նական բաղադրիչի դերը ոստիկանության ծառայողների վերապատրաստման մեթոդաբանության համատեքստում» և «Վերապատրաստման դասընթացների որակի ապահովման մեխանիզմներ. մոնիթորինգ, հետադարձ կապ և շարունակական զարգացում» հարցերը: Աշխատաժողովի արդյունքներն ամփոփեց ռեկտոր Ս. Մուրադյանը՝ առանցքային համարելով վերապատրաստման գործընթացում ըստ ուղղությունների ոստիկանական ստորաբաժանումներից ստացվող գործնական արձագանքներն ու կարիքների արդյունավետ գնահատման հիման վրա ձևավորվող առաջարկները: Ըստ ռեկտորի՝ միայն տեղերից ստացվող գործուն աջակցության, ինչպես նաև ՆԳՆ մարդկային ռեսուրսների կառավարման վարչության հետ համագործակցության շնորհիվ Կրթահամալիրը ոստիկանության ծառայողների շարունակական մասնագիտական զարգացումն ապահովելու համար կկարողանա իրականացնել արդյունավետ դասընթացներ՝ արդիականացնելով վերջիններիս գիտելիքները, նպաստելով ներկա պահանջներին համահունչ ոստիկանի արժեքաբանական կողմնորոշման ձևավորմանը: Վերապատրաստումներին ներկայացվող խնդիրներին լուծում տալու նպատակով Ս. Մուրադյանը կարևորեց նաև նույն ձևաչափով աշխատանքային քննարկումների անցկացումը:

ԹԻՎ 181 ՀԻՄՆԱԿԱՆ ԴՊՐՈՅԻ ԱՇԱԿԵՐՏՆԵՐԸ ԿՐԹԱՀԱՄԱԼԻՐՈՒՄ



1 ◀ Աշակերտների շրջայցը եզրափակվել է Ոստիկանության պատմության թանգարանում: Ի թիվս ցուցադրված ֆոնդերի՝ Դ.Հովսեփյանը ներկայացրել է մ.թ. 367 թվականին Մեծ Հայքի արքա Արշակ Բ Արշակունու և Ոստանիկ Դրաստամատի ինքնասպանության դեպքը, ցարական Ռուսաստանում Արևելյան Հայաստանի ձևավորման գործընթացը, առաջին Հանրապետության կազմավորումը, սովետական միլիցիայի դարաշրջանը, անկախության շրջանից մինչև մեր օրերը և այդ ընթացքում ՆԳՆ տարբեր ստորաբաժանումների կողմից կատարված հայրենամարտի աշխատանքները իրավապարզի ապահովման և հանցագործությունների դեմ պայքարում:

Հյուրերը տպավորված հրաժեշտ են տվել Կրթահամալիրին՝ գրառում թողնելով Պատվար հյուրերի գրքում:

ԿՐԹԱՀԱՄԱԼԻՐԸ ՀԱՄԱԼԻՐՈՒՄ Ե ԻՐ ԼՍԱՐԱՆԱՅԻՆ ՖՈՆԴԸ

ՀՀ ՆԳՆ կրթահամալիրի կանոնադրական նպատակներից են հանրային անվտանգության ոլորտում, այդ թվում՝ ոստիկանական և փրկարարական կրթությամբ մասնագետների պատրաստումը, ոստիկանության և փրկարար ծառայության ծառայողների, ինչպես նաև ՆԳ նախարարության կարիքների համար համապատասխան մասնագիտությամբ բարձրագույն կրթություն ունեցող անձանց վերապատրաստումը և այլ գործառնություններ:



Որակյալ կրթության կազմակերպման համար բարենպաստ պայմանների ստեղծումը ՆԳՆ բարեփոխումների առաջնահերթություններից է, ըստ այդմ՝ ուսումնառությունը հավուր պատշաճի կազմակերպելու համար, համաձայն ժամանակացույցի, Կրթահամալիրում գնահատվում են կրթական միջավայրի բարելավմանն ուղղված անհրաժեշտ ենթակառուցվածքները, նյութատեխնիկական հագեցվածությունը, իրականացվում են կրթական և մյուս տարածքների ձևավորման աշխատանքներ: Ելնելով կրթական միջավայրի բարելավման անհրաժեշտությունից՝ ՆԳՆ կրթահամալիրի 9-հարկանի մասնաշենքի 8-րդ և 9-րդ հարկերում իրականացվել են վերանորոգման աշխատանքներ, յուրաքանչյուր հարկի հինգական լսարաններ վերանորոգվել և կահավորվել են արդիական պահանջներին համապատասխան՝ համալրելով Կրթահամալիրի տեխնիկական հագեցված լսարանային ֆոնդը:

Կրթահամալիրում տեխնիկատնտեսական ու լոգիստիկ կարիքների գնահատման հիման վրա լսարանների վերազինմանը և կրթական միջավայրի բարելավմանը միտված աշխատանքները շարունակական բնույթ են կրում՝ առաջիկայում ևս նախատեսվելով շինարարական աշխատանքների իրականացում՝ ի նպաստ սովորողների գիտելիքների, հմտությունների և գործնական կարողությունների ձեռքբերմանն ու կատարելագործմանը:

ՀԱՆԴԻՊՈՒՄ-ՔՆՆԱՐԿՈՒՄ ՆԳՆ ԿՐԹԱՀԱՄԱԼԻՐՈՒՄ՝ ՈՒՂՎԱԾ ԳՈՐԾԸՆԹԱՅՆԵՐԻ ԳՆԱՀԱՏՄԱՆԸ ԵՎ ԲԱՐԵԼԱՎՄԱՆԸ

Հոկտեմբերի 9-ին ՆԳՆ կրթահամալիրում տեղի ունեցավ հանդիպում-քննարկում, որի նպատակն էր գնահատել կրթական գործընթացը, դրանց բարելավման հնարավորությունները, որպեսզի որակի ապահովման մեխանիզմներն ավելի ամբողջական արտացոլվեն ներկայացվող հաշվետվություններում:

Հանդիպումը վարեց Կրթության որակի ապահովման բաժնի պետ Տիգրան Խաչատրյանը, ով ներկայացրեց ընթացիկ մոնիթորինգի, գնահատման և շարունակական բարելավման սկզբունքները՝ հիմք ընդունելով կրթական որակի կառավարման ՊԻՍԲ (PDCA) «Պլանավորում - Իրականացում - Ստուգում - Բարելավում» շրջափուլը:

Քննարկման ընթացքում մասնակիցներն անդրադարձան կրթական գործընթացների արդյունավետության գնահատման մեթոդներին, ուսուցման որակի բարձրացման կարևորությանը, տվյալներ



րի վրա հիմնված որոշումների կայացման անհրաժեշտությանը, ինչպես նաև Կրթահամալիրի ընդհանուր զարգացման վրա ներքին և արտաքին ստուգումների ներդրման դրական ազդեցությանը:

Տիգրան Խաչատրյանը շեշտեց, որ ընթացիկ մոնիթորինգը և հետադարձ կապը կարևոր գործիքներ են ոչ միայն վերահսկման, այլև բարելավման մշակույթ ձևավորելու համար: Քննարկման արդյունքում հնչեցին մի շարք առաջարկներ, որոնք Կրթահամալիրի ստորաբաժանումներին կօգնեն առավել արդյունավետ կազմակերպել գնահատման գործընթացները և ապահովել դրանց շարունակական կատարելագործումը:

Հանդիպման եզրափակիչ մասում մասնակիցները կարևորեցին համատեղ աշխատանքը, բաց հաղորդակցությունը և տվյալների համակարգված օգտագործումը կրթության որակի կայուն բարելավման համար:

ԹԱՐԳՄԱՆՀԱՅ ՏՈՆ՝ ՀԱՅ ԳՐԻ, ԼԵՉԿԻ ՈՒ ԼՈՒՍԱՎՈՐՈՒԹՅԱՆ ԾԱՌԱԲԱՆՈՒՄ



Հոկտեմբերի վերջին շաբաթը հայ մշակույթի ու կրթության համար ունի առանձնահատուկ նշանակություն: Հայ Առաքելական Եկեղեցին նշում է

Սուրբ Թարգմանչաց տոնը, որը նվիրված է հայ ժողովրդի հոգևոր ու մշակութային վերածննդի հիմնադիրներին՝ Մեսրոպ Մաշտոցին, Սահակ

Պարթևին և նրանց աշակերտներին:

Թարգմանչաց տոնը խորհրդանշում է հայ գրի ստեղծումն ու քրիստոնեության տարածումը հայ ժողովրդի շրջանում: 5-րդ դարում, երբ Հայաստանում արդեն քրիստոնեությունը պետական կրոն էր, կար մեծ անհրաժեշտություն Աստվածաշունչը և կրոնական գրականությունը թարգմանելու հայերեն: Սակայն առանց մայրենի գրի դա անհնար էր: Եվ Մեսրոպ Մաշտոցն իր աշակերտների հետ ստեղծեց հայոց այբուբենը (405 թ.), ինչից հետո սկիզբ առավ թարգմանչական առեւտրի գործունեությունը:

Սուրբ Թարգմանիչներ են համարվում ոչ միայն Մեսրոպ Մաշտոցն ու Սահակ Պարթևը, այլև նրանց աշակերտներն ու

հետևորդները՝ Եզնիկ Կողբացին, Ղազար Փարպեցին, Կորյունը, Հովսեփ Բաղնեցին և Մովսես Խորենացին: Նրանք համարվում են հայ գրականության հիմնադիրները, քանի որ ոչ միայն թարգմանեցին Աստվածաշունչը, այլև հիմք դրեցին հայ գեղարվեստական, պատմական և փիլիսոփայական գրականությանը:

Նրանց շնորհիվ Հայաստանը դարձավ գրական, կրթական և հոգևոր կենտրոն, իսկ հայերենը՝ լիարժեք գրական լեզու:

Թարգմանչաց տոնն այսօր ունի ոչ միայն կրոնական, այլև մշակութային և կրթական նշանակություն: Այն դարձել է հայ գրականության, կրթության, ուսուցչի և թարգմանչի արժեքը բարձրացնող օր: Այս տոնն առիթ է գնահատելու մայրենի լեզուն, կրթության դերը և այն

մարդկանց, ովքեր սերունդներին փոխանցում են գիտելիք, մշակույթ և հավատ:

Բազմաթիվ դպրոցներում, համալսարաններում ու մշակութային հաստատություններում անցկացվում են միջոցառումներ, գրական երեկոներ, բանավեճեր և ցուցահանդեսներ՝ նվիրված Մաշտոցի և թարգմանիչների հիշատակին:

Թարգմանչաց տոնը հայ ժողովրդի լուսավորության տոնն է: Այն հիշեցնում է, որ ժողովուրդը, որն ունի իր այբուբենը, իր գրականությունը, իր լեզուն, ունի նաև ուժ՝ դիմակայելու պատմության փորձություններին: Մեսրոպ Մաշտոցի սրբազորված գործն այսօր էլ շարունակում է ոգեշնչել սերունդներին՝ պահելու և սիրելու հայերենը, կրթությունը և մշակույթը:

ԵՐԴՄԱՆ ԱՐԱՐՈՂՈՒԹՅՈՒՆ



Հոկտեմբերի 2-ին ՀՀ ՆԳՆ կրթահամալիրում տեղի ունեցավ ոստիկանական ուսումնական ստորաբաժանման միջին մասնագիտական կրթության «Ոստիկանական գործ» մասնագիտության 1-ին կուրսի սովորողների «Ոստիկանության ծառայողի երդման» հանդիսավոր արարողությունը: Ներկա էր Կրթահամալիրի ոստիկանական ուսումնական ստորաբաժանման ղեկավար կազմը՝ ստորաբաժանման պետ, ոստիկանության գնդապետ Գ. Գրիգորյանի գլխավորությամբ:

Սովորողները եռագույնի ներքո մեծ ոգևորությամբ և խանդավառությամբ հանդիսավոր կերպով երդվեցին հավատարիմ լինել ՀՀ սահմանադրական կարգին, անվերապահորեն ղեկավարվել օրենքներով, պաշտպանել հայրենիքը, պահպանել պետական և ծառայողական գաղտնիքը, արդար և անկողմնակալ իրականացնել իրենց լիազորությունները, ազնիվ և բարեխիղճ կատարել ծառայողական պարտականությունները:

Արարողության ավարտին Գ. Գրիգորյանը շնորհավորեց սովորողներին և հաջողություններ մաղթեց ուսման մեջ:



ԱՌՑԱՆՑ ԴԱՍԸՆԹԱՅՆԵՐԻ ՆԱԽԱԳԾՄԱՆ ԵՎ ՍԱՏՈՒՑՄԱՆ ՎԵՐԱՊԱՏՐԱՍՏՈՒՄ

Սույն թվականի հոկտեմբերի 7-ին ՀՀ ՆԳՆ կրթահամալիրում մեկնարկեց առցանց դասընթացների նախագծման և մատուցման վերաբերյալ դասախոսների վերապատրաստումը: Դասընթացը կազմակերպվել է Միգրացիայի միջազգային կազմակերպության և ՄԱԿ-ի փախստականների հարցերով գործակալության կողմից իրականացվող «Հայաստանում միգրացիայի և ապաստանի արդյունավետ կառավարման քաղաքականության շրջանակի և կարողությունների ընդլայնում» ծրագրի շրջանակներում:

Դասընթացի մասնակիցները ոչ միայն Կրթահամալիրի հաստիքային և պայմանագրային դասախոսներ են, այլև ՀՀ ՆԳՆ միգրացիայի և քաղաքացիության ծառայության փորձառու աշխատակիցներ, որոնք նույնպես որպես դասախոսներ ներգրավվելու են միգրացիայի և քաղաքացիության ծառայության նորանշանակ քաղաքացիական ծառայողների վերապատրաստման դասընթացներում:



Դասընթացի սկզբում ողջույնի խոսքով հանդես եկավ ՀՀ ՆԳՆ կրթահամալիրի ղեկավար Մանուկ Մուրադյանը, ով ընդգծելով ներկա ժամանակաշրջանում առցանց ուսուցման գործիքակազմերի կարևորությունը ու արդյունավետությունը, շնորհակալություն հայտնեց դասընթացի կազմակերպմանն ու անցկացմանն իրենց ներդրումն ունեցած բոլոր անձանց և

արդյունավետ վերապատրաստում մաղթեց բոլոր մասնակիցներին:

Առցանց դասընթացների նախագծման և մատուցման վերաբերյալ դասախոսների վերապատրաստումը կանցկացվի 4 օրում, որից հետո նրանց համար կանցկացվի նաև երկօրյա վերապատրաստում՝ դասավանդման մեթոդաբանության թեմայով:

ԳԻՏԱԿԱՆ ԽՈՐՀՐԴԻ ՆԵՐԹԱԿԱՆ ՆԻՍՏԸ

Հոկտեմբերի 13-ին տեղի ունեցավ ՀՀ ՆԳՆ կրթահամալիրի գիտական խորհրդի 2025թ. 11-րդ նիստը: Օրակարգային հարցերի քննարկման արդյունքում գիտական խորհուրդը տպագրության երաշխավորեց Կրթահամալիրի միջազգային կապերի և համագործակցության աշխատանքները համակարգող պրոռեկտոր Արմինե Հայրապետյանի, համահեղինակներ՝ Ա. Միսակյանի, Ա. Գևորգյանի, Ս. Հայրապետյանի, Ի. Երմակովի, Բ. Լեհմանի և Բ. Ֆիշերի «Մայիսյան ջրհեղեղները Հայաստանում՝ 2024: Լոռու և Տավուշի մարզերում տեղի ունեցած աղետի փաստագրում և ընկալում: 2024թ. մայիսի 24-26 Իրադարձության վերլուծություն» (անգլերեն) և ոստիկանական ուսումնական ստորաբաժանման քրեական իրավունքի և քրեական դատավարության ամբիոնի պայմանագրային հիմունքներով դասախոս Արփի Լազարյանի՝ «Ազատագրված դատապարտված անձանց հետ վարվելու դրսև միջազգային-իրավական չափորոշիչները և դրանց կիրառմանն ու իմպլեմենտացմանն հիմնախնդիրները Հայաստանի Հանրապետությունում» մենագրությունները:



Գիտական խորհրդի որոշմամբ ոստիկանական ուսումնական ստորաբաժանման «Իրավագիտություն» մասնագիտության բակալավրիատի առկա վճարովի ուսուցման 11 սովորողի հատկացվեց ուսանողական նպաստի ձևով ուսման վարձի մասնակի փոխհատուցում՝ հիմք ընդունելով նույն ստորաբաժանման ղեկավար կազմի պատրաստման դեպար-

տամենտի ուսումնասիրությունը:

Գիտական խորհրդի նիստն ամփոփվեց փրկարար ծառայության և ճգնաժամային կառավարման ուսումնական ստորաբաժանման «Կառավարում (Կառավարում (ըստ ոլորտի))» մասնագիտության բակալավրիատի հեռակա ուսուցման նախկին 3 սովորողի՝ Կրթահամալիրում վերականգնվելու համար ներկայացված դիմումների քննարկմամբ: Որոշում կայացվեց ուսումնառությունը շարունակելու համար վերջիններիս վերականգնել համապատասխան կուրսերում:

ԱՆՄՆԱՑՈՐԴ ՆՎԻՐՈՒՄՈՎ ԴԵՊԻ ՆՊԱՏԱԿՆԵՐԻ ԻՐԱԳՈՐԾՈՒՄ

«Կրթահամալիրի սովորողները» խորագրով նախագծի շրջանակներում այս անգամ գրուցել ենք ՀՀ ՆԳՆ կրթահամալիրի ՓԾ ԵՎ ուսումնական ստորաբաժանման 4-րդ կուրսի սովորող Գագիկ Հայրիկյանի հետ:



- Դրվագներ, որ տպավորվել են մանկության տարիներին:

- Մանկական տարիներից շատ հիշողություններ կան, որ կարոտով եմ հիշում: Օրինակ՝ անհոգ խաղերը, երեխայական կռիվները, ընտանիքիս հետ անցկացրած ժամանակը և հասակ առած մարդկանց հետ հաճախակի շփումները: Բայց ամենաշատը տպավորվել է այն դրվագը, երբ առաջին անգամ հորս հետ այցելեցի Անդրանիկ Օզանյանի թանգարան, որտեղ մեծ հիացմունքով ուսումնասիրում էի նրա սպառազինությունն ու անձնական իրերը՝ մտովի փորձելով տեղափոխվել այդ ժամանակաշրջան:

- Կպատմե՞ս դպրոցական տարիներից:

- Դպրոցական տարիները մրցակցային տարիներ էին: Ընդ որում՝ ոչ թե դասընկերներիս, այլ ինքս ինձ հետ: Դրանում մեծ ներդրում ունեն ծնողներս՝ իրենց հետևողականությամբ, որոնց և՛ շնորհակալ, և՛ երախտապարտ եմ: Ամեն տարի նոր դասարան տեղափոխվելիս ինքս իմ առջև նոր նպատակներ էի դնում՝ թե՛ հանրակրթական, թե՛ երաժշտական դպրոցում, թե՛ սպորտային խմբակում և, բնականա-

բար, դրանք իրականացնում էի:

- Ի՞նչ ես կարծում, կա՞ն վատ գրքեր:

- Այո՛, կարծում եմ կան վատ գրքեր: Ճիշտ է, մեր բոլորի միտումը պետք է լինի անգամ վատ բաներից լավը սովորելն ու դասեր քաղելը, բայց կարծում եմ, որ կան գրքեր, որոնց վրա պետք չէ ավելորդ ժամանակ կորցնել:

- Քո ընթերցած գրքերից ո՞րն է ամենատպավորիչը:

- Ինքս գրքեր չափ եմ սիրում կարդալ և ունեմ նախընտրելի գրքեր, որոնց թվին եմ դասվում:

Ա. Դյունայի Կոմս Դը Մոնտե Քրիստո-ն, Ե. Վ. Տարլեյի Նապոլեոն-ը, Վ. Սարգսյանի Հացի փորձություն-ը, Վ. Սիրադեղյանի Դուռը, Յ. Մաթևոսյանի ստեղծագործությունները, Նարեկացու Մատյան ողբերգությունը, հայ առակագիրների ստեղծագործությունները և այլն:

Բայց ամենօրյա կարդացվող և ամենատպավորիչ գիրքը Գիրք Գրոցն է՝ Աստվածաշունչը: Չկա գեթ մեկ հարցի պատասխան, որը չունենա այս գիրքը, և այս գիրքն է, որ կերտում է մարդուն, տանում դեպի կատարելության ու հասցնում մարդ-

կային սահմանափակությունից անդին: Այս գիրքը և՛ օրենքների ժողովածու է, և՛ սիրո մասին է՝ ամենախորին իմաստով, և՛ իմաստություն ու փիլիսոփայություն, և՛ քնարերգություն, և՛, իհարկե, պատմություն ու աստվածաբանություն: Եվ վերջապես, սա այն միակ գիրքն է, որի ընթերցման ժամանակ դրա Գրողը ներկա է:

- Խոսենք նախասիրություններից. ինչն է, որ մի քանի ժամով քեզ կտրում է իրական կյանքից:

- Ամենամեծ նախասիրությունս պատմությունն է: Դա իմ տարերքն է: Ընդ որում՝ ոչ միայն հայ ժողովրդի պատմությունը, այլև տարբեր ազգերի պատմությունը, հատկապես՝ Մերձավոր Արևելքի ժողովուրդների: Պատմությունն օգնում է զարգացնել մտածողությունը, փորձել մի քանի քայլ առաջ մտածել և խուսափել այն բանից, ինչից արդեն մարդիկ տուժել են քեզից առաջ:

Սիրելի զբաղմունքներից կառանձնացնեմ նաև սպորտը, գեղեցիկ երևանով զբոսանքը և ընկերներիս հետ սրճարաններ այցելելը:

- Ինչի՞ մասին ես երազում կյանքիդ այս շրջանում:

ԱՆՄԱՆԱՑՈՐԴ ՆՎԻՐՈՒՄՈՎ ԴԵՊԻ ՆՊԱՏԱԿՆԵՐԻ ԻՐԱԳՈՐԾՈՒՄ

3 - Ներկա պահին ոչ թե երազանքներ, այլ նպատակներ ունեն, որոնց հասնելու մասին ժամանակն ինքը կբարձրաձայնի:

- Ինչպե՞ս ընտրեցիր այս մասնագիտությունը:

- Մասնագիտության ընտրության հարցում տատանվում էի քաղաքագիտության, տուրիզմի (որի բաժինը քոլեջում ավարտել էի գերազանցությամբ) և կառավարման մասնագիտությունների միջև: Բայց, հաշվի առնելով բնատուր հատկություններս, բնավորությունս, ծնողիս և այլ հարազատների խորհուրդն ու, միևնույն ժամանակ, հասկանալով ձգնաժամային կառավարիչների պակասը մեր համրապետությունում, որոշեցի ընտրել հենց այս մասնագիտությունը:

- Ինչպիսի՞ն է Կրթահամալիրում ուսանողական կյանքը:

- Մեր կրթահամալիրը նոր է ձևավորվել: Այս կարճ ժամանակահատվածում ուսանողական խորհուրդը բավականին աշխատանք է կատարել, և, ելնելով սրանից, կարող ենք ասել, որ միտում կա, որ ամեն բան ավելի լավանա: Կարծում եմ, որ մենք՝ ուսանողներս, անկախ մասնագիտական կողմնորոշումից, կրթահամալիրի ղեկավարության հետ պիտի անենք ամեն ինչ՝ ուսանողական կյանքը լիարժեք դարձնելու համար:

- Նկարագրիր Կրթահամալիրի սովորողի կերպարը:

- Կրթահամալիրի սովորողը պետք է տարբերվի մյուս բոլոր սովորողներից, և դրա պատճառն այն է, որ մեր սովորողներ

ի ապագան միտված է այսօրվա և վաղվա Հայաստանի Հանրապետությունն ավելի հզոր ու կայուն կառուցելուն: Այս բուռն ընտրած սովորողը պետք է գիտակցի, որ կրթահամալիրում սովորելը պետք է իր մեջ ձևավորի պետականամետ մտածելակերպ, և որ վաղը ինքն է լինելու պետական ապարատում պետություն կառուցողներից մեկը:

- Եթե հնարավորություն տրվեր փոխելու մասնագիտությունը, ի՞նչ կընտրեիր:

- Մասնագիտությունս չէի փոխի, քանի որ, ելնելով մեր պետության կարիքներից, գիտակցում եմ այն փաստը, որ լավ կառավարիչներ պետք են յուրաքանչյուր ոլորտում: Բացի այդ, փրկարարի գործը ամենամարդասեր աշխատանքներից է, և հենց այս հանգամանքով պայմանավորված՝ միանշանակ, չէի փոխի մասնագիտությունս:

- Թե՛նա, որի շուրջ անդադար կխոսես:

- Շատ թեմաներ կան, որոնց շուրջ կարելի է անվերջ խոսել: Թե՛ գիտության, թե՛ արվեստի, թե՛ պատմության, թե՛ սպորտի, և հատկապես՝ Աստծո մասին թեմաները բավականին հետաքրքիր են: Այսպիսի թեմաների շուրջ գրույցներ հաճախ եմ ունենում ամենատարբեր բնագավառի մարդկանց հետ, որոնց ժամանակ կիսվում եմ իմ գիտելիքով և, միևնույն ժամանակ, ստանում եմ նոր գիտելիք:

- Ո՞րն է կյանքի շարժիչ ուժը քեզ համար:

- Կյանքի շարժիչ ուժն ինձ համար Աստծո առաջնորդությունն է: Մարդն իր կյանքի ընթացքում դնում է նպատակներ և ձգտում

է դրանց հասնել: Եթե դրանք Աստծո կամոք են լինում, և Աստված մարդու հետ է, ապա ոչ ոք չի կարող կանգնեցնել նրան: «Եթե Աստված մեզ հետ է, ո՞վ կկանգնեցնի մեզ», - գրում է Պողոս առաքյալը:

Բից հարցեր

Պատասխանում ենք կարճ և արագ:

- Երեք բառ, որով կընդգծես ինքդ քեզ:

- Արդարամիտ, նպատակասլաց և հավատով լի:

- Միտք, որն առաջինը ծագում է արթնանալիս:

- Մտաբերում եմ ծրագրերս:

- Օրն սկսում ես ժամը...

- Առավոտյան ժամը 6-ին:

- Սիրածդ աֆորիզմը:

- «Ողորմություն մի՛ խնդիր այն բանի համար, ինչին կարող ես հասնել խելքովդ և ուժովդ» (Կարեն Դեմիրճյան):

- Սիրելի զբաղմունքը:

- Ձբոսանք, պատմություն, սպորտ:

- Խորհուրդ, որը կտալիր:

- Լինել կարգուկանոնի մեջ և հայացքը չկտրել նպատակից:

- Իսկ վերջում... (ավելացրու՝ այն, ինչ մտքովդ անցնում է այս պահին):

- ՆԳՆ կրթահամալիրի մեր սովորողներին մաղթում եմ եռանդ ու ջանասիրություն, որպեսզի մեզնից յուրաքանչյուրս գիտակցի և իրագործի այն պահանջը, որը մեր առջև դնում է մեր հայրենիքը և մեր պետությունը:

Հարցազրույցը վարեց

Գ. Բաբաջանյանը

ՊԱՏՎԱԲԵՐ ԵՎ ՊԱՏԱՍԽԱՆԱՏՈՒ

ՊԱՏԻՎՆ ՈՒ ՊԱՏԱՍԽԱՆԱՏՎՈՒԹՅՈՒՆԸ ՊԱՆԱՆՋՈՒՄ ԵՆ ՍԻՐՏ, ԽԻՉԱՆՈՒԹՅՈՒՆ ՈՒ ԿԱՐԳԱՊԱՆՈՒԹՅՈՒՆ



Սառյալը անգամ երեք կրթահամալիրի ծանր ու պատկառանք ներշնչող դարպասներից մեկն եմ մտնում, այնպիսի զգացողություն եմ ունենում՝ ակարծես քեզ համակում է ոչ թե ուսում ստանալու ցանկությունը, այլ պատվի շնչով ապրելու և արարելու զգացումը: Ավելի պատվավոր ու պատասխանատու գործ չկա, քան ծա-

ռայելը հայրենիքին: Դու սկսում ես ապրել հանուն հայրենիքի, հանուն հազարավոր մարդկանց, ովքեր իրենց կյանքը հանձնում են քո ձեռքերը: Այստեղ քեզ համար յուրաքանչյուր փորձություն կյանքի նոր ուղի է, որով ի ցույց է դրվում քո կյանքի իրական նպատակը՝ հասնել վտանգի ավելի շուտ, քան վտանգը կհասնի քո թիկունքում թաքնվածին: Մենք և ապագա սերունդներս, ուսանում ենք այստեղ՝ դառնալու մեր մեծերի, փոքրերի ու մայրերի պաշտպանն ու վահանը վտանգից: Դե՛, արդեն իսկ հասկանալի է դառնում, որ, երբ ուսերիդ վրա բազմաթիվ կյանքեր են կրում, քո միակ նպատակն ուղղակի նրանց ծախսը նետնելն է, փրկությանը կյանք մտած ու ջերմագին հրժկանքը: Բոլորն էլ ձգտում են լավին, բարեկեցությանն ու ապահով կյանքին, ու մարդիկ ուղղակի ուզում են թիկունքին հերոսներ

տեսնել. հերոս, որը կերտում է իր և իր ժողովրդի արժանապատվությունն ապահով երկրում: Իսկ եթե չկա ապահով երկիր, չկա նաև դու:

Պատվին ու պատասխանատվությունն ասես մետաղադրամի երկու կողմ լինեն, որ հավանականության տեսության դասին էինք անցնում, բայց երկուսն էլ պահանջում են սիրտ, խիզախություն ու կարգապահություն: Դեկավար կազմի ոգեշնչումը, սիրտը, սերը, կոչը հանում նոր կյանքերի, տոկուն հավատ է ներշնչում, որ, նույնիսկ, եթե կրակից մեկ անգամ ապտակ ուտես, ապտակի հետ մեկտեղ սկուտեղի մեջ պատվին էլ կգա, քանի որ, պատվաբեր է այն գործը, որի մեջ կա պարտք, և պատասխանատու է այն մարդը, ով գիտի՝ այդ պարտքը մինչև վերջ պիտի կատարի:

Մուծիկյան Հայկանուշ

Կառավարում բաժին, 2-րդ կուրս

ՄԻՋԲՈՒՆԱԿԱՆ ՖՈՒՏԲՈԼԱՅԻՆ ՀԱՆԴԻՊՈՒՄ

ՀՀ ՆԳՆ կրթահամալիրում հոկտեմբերի 10-ին Կրթահամալիրի և «Հայաստանի Եվրոպական համալսարան» հիմնադրամի ֆուտբոլի հավաքական թիմերի միջև կայացել է միջբուհական ընկերական ֆուտբոլային հանդիպում:

Հանդիպումը կազմակերպվել էր Կրթահամալիրի ուսանողական խորհրդի և ոստիկանական ուսումնական ստորաբաժանման մարտական, ֆիզիկական և հատուկ պատրաստակամության ամբիոնի հետ համատեղ՝ նպատակ ունենալով խթանել առողջ ապրելակերպը, զարգացնել մարզական մշակույթը և ամրապնդել բարեկամական հարաբերությունները երկու թուխների ուսանողների միջև:

Խաղը տեղի ունեցավ ջերմ ու համերաշխ մթնոլորտում՝ լի մարտական ոգով և սպորտային պայքարով: Թիմերը ցուցադրեցին բարձր մակարդակի խաղ, իսկ



հանդիպումն ավարտվեց 3:6 հաշվով՝ հօգուտ Եվրոպական համալսարանի հավաքականի:

Միջոցառման ավարտին կազմակերպիչները շնորհակալություն հայտնեցին երկու թիմերին՝ ակտիվ մասնակցության,

գեղեցիկ խաղի և մարզական բարեկրթության համար՝ ընդգծելով, որ նման նախաձեռնությունները կարևոր են ուսանողական համագործակցության զարգացման և սպորտային արժեքների տարածման գործում:

Ստեղծագործում են մերոնք

ՀԱՎԱՏՈՎ

Քաղաքը լուռ է, փողոցը՝ դատարկ, Անգամ քարերն են վախից քարացել, Ամեն քայլի հետ ընկած է մի արկ, Որ ամեն պահի պատրաստ է պայթել: Աշխարհը լուռ է, ժեռ քար է դարձել, Ու չի էլ փորձում ինչ-որ բան փոխել, Ապրում են մորմալ, ինչպես երբեք: Կարծես ոչինչ էլ երբեք չի եղել: Մինչ այդ աշխարհը իր կյանքն է ապրում, Սահմանին զինվորը զինվոր է փրկում Կամ էլ փորձում է ու չի հասցնում, Վիրավորի հետ ինքն էլ է զոհվում: Ու սա արդա՞ր է, լա՞վ է մտածված, Մի՞թե սա էր մեր ճակատին գրված, Որ պիտի մենք միշտ լացենք ու ծխանք, Որ պիտի մենք միշտ հերոս ունենանք, Ու պիտի մենք միշտ կարոտից մոկտանք Ու ամբողջ կյանքը մեր տանուլ միշտ տանք: Ապրում են մարդիկ, ինչպես երբեք, Ու չեն էլ փորձում հասկանալ մի բան, Որ ամեն զինվոր մի մեծ արև է, Մի հզոր սյուն է, ճրագն է իր տան: Սուտ ու փու՜ն աշխարհ, այս ի՞նչ արեցիր, Քո լուրջությունը մեզ սպանեցիր, Մեր հոգիներում վերքեր բացեցիր, Հենցիկ վրա էլ դու աղ լցրեցիր: Լավ, դատավճի՞ռ է մեր հայ ծնվելը, Մեր սրտով էլ չի գնեքով կռվելը, Մարդը մարդու դեմ պատերազմելը: Պատերազմներում տղերքն են զոհվում, Տներ են քանդվում պատերազմներում, Մայրերը որդու կարոտ են մնում, Իսկ զավակները անհայր մեծանում: Ու կամաց-կամաց ամբողջ աշխարհին Լաց ու սուգ է պատելու, Ու թշնամու հրահրող, Կեղտոտ ձեռքն են կտրելու...

Մելսիդա Ավետիսյան
շրջանավարտ

ՀՅՈՒՄԻՍ/ՀԱՐԱՎ

Մեր մեջ այն-քան բացահայտումներ են արել

Ու այնքան ապրումներ գտել քո աչքերում, Մեր ապրած պահերն են անցել զնացել, Իսկ քո աչքերը տեղում մնացել...

Ինչէ՛կ, օրս տարի է դարձել,

Ու քայլում ենք մենք՝ տարբեր բևեռներ՝ Մտածելով թե միմյանց կգտնենք, Միմյանք բևեռները հյուսիս-հարավ են:

Գուցե քեզ նման շատ շատերը գան, և գուցե ոչ մեկը նման չլինի քեզ, Մեկ է, քայլերը կտանեն ուղիղ՝ Անկախ բևեռի հյուսիս հարավից...

Եվ գուցե մենք ենք տրոհվում Կամ ուզում ենք տրոհվել միմյանցից, Իսկ քայլերը, ա՛խ, մեզ են եմբարկվում, Այլ ոչ թե սրտի մերկ գաղափարին....

Մարիետա Մաթոսյան
ոստիկանական ուսումնական
ստորաբաժանում
2-րդ կուրս

ԻՆՏԵԼԵԿՏՈՒԱԼ ՀԱՐՑԵՐԻ ԱՆՎՅՈՒՆ

1. Ինչո՞վ է տարբերվում բակտերիան վարակից՝ վիրուսից:
2. Ինչու՞ է երկինքը կապույտ երևում:

Նախորդ համարի պատասխանները

1. Լատիներենը:
2. Երկուսն էլ կատարվել են երազում: